

Փայտամշակութայան մեջ էլ կրկնվել է նույն իրողութունը, ինչ որ աչքի էր զարնում ջուլհակութայան մեջ՝ զարդերի աղքատութուն, նույնիսկ բացակայություն: Մինչդեռ ազգագրական առանձնահատկություններով Զանգեզուրին շատ մոտիկ կոտում սիրում են փայտե պարագաները ծածկել փորագրություններով և ամեն տան մեջ կարելի էր գտնել գեղեցիկ փորագրված խօնչանէր, գլաններ, շերեփներ, գդալամաններ, տուփեր, օրորոցներ, բարձափէտէր: Զանգեզուրում այդ իրերի երեսները մնում էին առանց քանդակի, շատ-շատ շարխելիս խորացած կամ բարձրացրած գծերով խազված:

Մ Ե Տ Ա Ղ Ա Գ Ո Ր Ծ Ո Ւ Թ Յ Ո Ւ Ն

Պ Ղ Ն Զ Ա Գ Ո Ր Ծ Ո Ւ Թ Յ Ո Ւ Ն

Երկաթը Զանգեզուրում դրսից բերովի է: Նրանից հարկավոր իրեր շինողը դամբլին՝ դարբինն էր, որը միաժամանակ և փականագործ էր: Դարբնությունն այստեղ էլ, ինչպես և այլ հայաբնակ շատ գավառներում, մի բնտանիքի մեջ ժառանգաբար անցնող զբաղմունք էր: Վերջերքս վարպետը խույս չէր տալիս այդ արհեստը սովորեցնելու և ոչ հարազատ մեկին: Այստեղ էլ Ութի ուրբաք օրը դամբլին շինում էր երեխաների շորերի վրա կարելու համար կայծակի հարվածից պաշտպանող շախմախը և կանանց ձեռքին բաբաֆնք տվող պողպատե մատանին, այստեղ էլ ամեն շաբաթ երեկո նա աշխատանքն ավարտելիս իր մեծ մուրճով՝ գեղանավ, զարկում էր դատարկ սալին շար Արտավազդի շղթաներն ամրացնելու համար:

Պղինձն է, որ տեղական մետաղ է այս գավառում: Կապանի պղնձահանքերն առաջին տեղն են բռնում Անդրկովկասում իրենց արտադրանքի ծավալով և Միութայան նման հանքավայրերի շարքում կարևորագույններից են: Պղնձահանությունը խորին հնությունից եկող պարապմունք է այստեղ և ինչպես երևում է մերձակայքում պատահական պեղումների ժամանակ գտնված իրերից՝ իր շուրջն էր հավաքել համեմատաբար խիտ բնակչություն տակավին՝ պղնձե դարում: Այժմյան Կապան-Հանքեր բանվորական նորակառույց գեղեցիկ ավանում պահպանվել են շատ ավելի ուշ ժամանակաշրջանից կառուցված շենքերի մնացորդներ, այժմյան ֆլուտացիոն գործարանին կից բաղանիքներով: Այս ու այնտեղ, մանավանդ շուկայում, թափված քարե սյուներն ապացույց են այն բանի, որ հանքավայրերը միշտ զբաղված են եղել առանձին ուշադրություն:

Ռուսական տիրապետության հաստատման տարիներում և այնուհետև էլ դեռ երկար ժամանակ, գրեթե մինչև XIX դ. 50-ական և 60-ական թվականները, այստեղ իշխում էր հանքահանության շատ նախնական եղանակը, այս գործով պատահական զբաղվողները հանքը հանում էին համեմատաբար ավելի երես վայրերից, հասնելով նրան հորիզոնական փորված կարճ հանքահորերով և հանած քարը հալեցնում էին պրիմիտիվ քուրանների մեջ՝ գործածելով մերձակա դեռ բավականին խիտ անտառներից կտրած փայտը:

Բոլորովին կատարելագործված չէր և այն եղանակը, որը գործադրում էին այստեղ XIX դ. երկրորդ կեսում բուն դրած հույն պղնձահանները, սրանց մեջ նաև Կատարում և Կավատում վաղ հաստատված Կոնդուրով եղբայրները, ինչպես և նրանց օրինակին հետևելով Մելիք-Փարսազանյաններն իրենց տոհմական Հալիձորի հանքավայրերում: Նրանք սկսեցին փորել ավելի խոր հանքահորեր: Բանվորների ձեռքին հանքը քանդելու համար կար կարճ ու թեթև